

Woriimm d'r Harr Past'r de Hanka nie wedd'r zu's
Bücherhol'n verwend'n kont'.

D'r Harr Pastor wo no gor ne su lange aus'n Bogt-
land ei dos klenne überlausitzer Städt'l gezogen, wu e de
noie Pfarrstelle oangetret'n hoatte, as e'ch¹⁾ ei d'r irscht²⁾
ei'm Pfarrhause eiricht'n müßt. Und doa hoatte de Froo
Pastern ooch gonz raicht,³⁾ wenn se soite, doß hiezu vir
Dallem anne noie Dienstmoid gehir'n thät. Anne gutte
zuverläss'ge Moid öß⁴⁾ wos gonz Wicht'ges ei'm Haus-
halte. Dos wüßt d'r Harr Past'r ooch und hoatte'ch
dast'rwaig'n oan d'n Harrn Deakonus gewendt, dar de
schonn lange ei'm Städt'l wor, ob e vo an Rubberdorfe⁵⁾
ne anne zuverläss'ge Moid wüßt, die de ooch troi und ehr-
lich wär'. Dos machte 'ch⁶⁾ nu ooch bale,⁷⁾ denn de Hanka
Zscharnack wollt dien'n, wor aus an Rubberdorfe und ooch
troi und ehrlich. Und asu koam de Hanka ei's Städt'l ei
de Pfarre.

Nu hoatt'e d'r Harr Past'r ack⁸⁾ dan Fehler g'macht,
doß e ba de Dienstmoid zu sühre uff de himmlisch'n Geg'n-
schaft'n sah, uff die 's amol ei genn' Leb'n oankimmt, und
dos wor Troie und Ehrlichkeit — oaber zu wenig uff de
ird'sch'n Geg'nschaft'n, uff die 's ack ei'm gewehnl'ch'n
Erd'nleb'n oankimmt — und dos wor: a Böß'l Grüze ei'm
Koppe. Dan hoatte de Hanka zwor moanchmol ei'm Koppe,
oaber nurr a klee Prünk'l,¹⁰⁾ wenn se gerode Grüzewurrcht
ei'n Mund steckte; sinst'n oaber ne. Na, dast'rwaig'n soll
de Hanka ne rungerg'macht¹¹⁾ wer'n. 's wor anne al'e¹²⁾
gutte brave Haut vo zwanz'g Tohr'n; kont schoiern, Koffee
koch'n, reene mach'n, Kleeder börrscht'n und fehr'n aus'n
Zoige. Wos oaber driwer naußloag, na freilich — doa
thoat's hapern. Dos sollt nu unser Past'r ooch bale weise
wer'n.¹³⁾

Eigericht wor e und nu müßt e ooch oans pred'g'n
denk'n. Ja Ruchch'n! Wie e doß e wollt arbeit'n, wurd
e's weise, doß emm¹⁴⁾ a Poor Bücher fehlt'n, die de ba'm

1) als er sich. 2) zuerst. 3) Recht. 4) ist. 5) Nachbardorf.
6) sich. 7) bald. 8) doch. 9) bei. 10) Weilchen. 11) heruntergemacht.
12) alte. 13) erkennen. 14) ihm.